

2852 basis marmorea a tergo excavata alta metr. 1,10 litteris cm. 4¹/₂. Praeneste rep. apud templum Fortunae primigeniae IVC.; similiter, sed addit 'refossis ruderibus a d. Marco Barbo card. Sancti Marci' [significatur Barbus ex cardinale S. Marci factus episcopus Praenestinus anno 1478, mortuus a. 1496] PEVT. (Mon.); carmina ex ruinis templi Fortunae eruta SIED. OLIV.; Praeneste apud templum Fortunae RED. Praeneste quo nunc Palestrina in atrio maioris ecclesiae ubi fuit templum Fortunae ut ex primis appetet BVD., in templo Fortunae nunc palatio ducis MET. (Vat. 6040), Praeneste in palatio episcopi SMET., in aedibus episcopi PIGH. (ms.); in area palatii pontificii PIGH. (Herc. Prod.), *nella canonica* COL.; in palatio principis SVAR. Extat Praeneste in hortis Barberinis. — S. I. SAB. RAYNER. Romae in hortis Iulii III BOISS. (Holm. 96' et ed.); in palatio Conservatorum BOISS. (Holm. 97). Reate BOISS. (Paris p. 687). 'Hostiae' praec. ap. FERRAR.

spicarum manipulus	modii spicis pleni duo	spicarum manipulus
TV QVAE · TARPEIO COLERIS · VICINA · TONANTI VOTORVM · VINDEX · SEMPER · FORTVNA · MEORVM ACCIPE · QVAE · PIETAS · PONIT · TIBI · DONA · MERENTI EFFIGIEM · NOSTRI · CONSERVATVRA · PARENTIS 5 CVIUS NE · TACEAT · MEMORANDVM · LITTERA · NOMEN CAESIUS · HIC · IDEMQ TITVS · PRIMVSQ · VOCATVR · QVI · LARGAE CERERIS · MESSES · FRVCTVSQ RENATOS DIGERIT · IN PRETIVM · CVI · CONSTAT · FAMA · FIDESQ ET · QVI · DIVITIAS · VINCIT · PUDOR · IRE · PER · ILLOS 10 CONSVENTVS · PORTVS · CVRA · STUDIOQ LABORIS LITOR · QVI PRAESTANT FESSIS · TVTISSIMA · NAVTIS NOTVS · IN VRBE · SACRA · NOTVS · QVOQ FINIBVS · ILLIS QVOS · VMBER SVLCARE · SOLET · QVOS · TVSCVS · ARATOR OMNIBVS · HIC · ANNIS VOTORVM · MORE · SVORVM 15 CENTENAS · ADICIT · NVMERO CRESCENTE CORONAS FORTVNAE · SIMVLACRA COLENS ET · APOLLINIS · ARAS ARCANVMQ · IOVEM QVORVM CONSENTIT · IN · ILLO MAIESTAS · LONGAE PROMITTENS · TEMPORA · VITAE ACCIPE POSTERITAS QVOD PER TVA · SAECVLA NARRES 20 TAVRINV KARI · IVSSVS PIETATE PARENTIS HOC · POSVIT DONVM QVOD NEC SENTENTIA MORTIS VINCERE NEC POTERIT FATORVM SVMMA POTESTAS SED POPVLI · SALVO · SEMPER · RVMORE MANEBIT		

in latere intuenti dextro:

L · CEION	:	D · CO	M	M	
S	EX · VETVL	e	NIC	C I VI I	sic
POM	PEI	A	N	CO	a. 136
LOC	D	D	D		

Pighium; Ligorius quoque in libro Neapolitano ad veram lectionem v. 3 et 17 nonnullae circumdatae sunt, velut v. 4 TARPEIO, 5 CVI VS NE TA CEAT, 16 COLE NS ET APOLLINIS — enotaverunt eas ante me Metellus in exemplo autographo (Vat. 6040) et Columna —, noviciae mihi videntur.

In inscriptione lateris impediverunt quadratarium nescio quae rugae vel sulci inscriptione antiquiores; unde litterae ex parte evaserunt dimidiatae quales vides. Vv. 4. et 3 non videntur esse finiti, v. 2 fin. est CIVII (CIVIIA Col.). Omiserunt inscriptionem lateris omnes praeter Columnam Cecconium Petrinum.

Tu, quae Tarpeio coleris vicina Tonanti,
votorum index semper, Fortuna, meorum,
accipe, quae pietas ponit tibi, dona, merenti,
effigiem nostri conservatura parentis.
5 Cuius ne taceat memorandum littera nomen,
Caesius hic idemq(ue) Titus Primusq(ue) vocatur:
qui largae Cereris messes fructusq(ue) renatos
digerit in pretium; cui constat fama fidesq(ue)
et, qui divitias vincit, pudor; ire per illos
10 consuetus portus cura studioq(ue) laboris,
litor(a) qui praestant fessis tutissima nautis;
notus in urbe sacra; notus quoq(ue) finibus illis,

L. Ceion[i]o Comm[odo] S[ex]. Vetul[e]nio Civi[ca] Pompeiano c[os.] Loc[us] d[atus] d[ecreto] d[ecurionum].

quos Umber sulcare solet, quos Tuscus arator.
Omnibus hic annis votorum more suorum
15 centenas adicit numero crescente coronas,
Fortunae simulacra colens et Apollinis aras
Arcanumq(ue) Iovem, quorum consentit in illo
maiestas, longae promittens tempore vitae.
Accipe, posteritas, quod per tua saecula narres:
20 Taurinus, kari iussus pietate parentis,
hoc posuit donum, quod nec sententia mortis
vincere nec poterit fatorum summa potestas,
sed, populi salvo semper rumore, manebit.

Statuam (vv. 3. 4: *dona conservatura effigiem*) T. Caesii Primi (v. 6) mercatoris frumentarii (v. 7—13; eodem pertinent spicae in summa basi repraesentatae) Fortunae dicavit hoc carmine Caesius Taurinus filius iussus a patre (v. 20). — V. 4 significatur aedes Fortunae Primigeniae sita Romae in Capitolio, quam praeterea memorat solus Plutarchus de fortuna Roman. c. 17. — Ex vv. 16. 17 discimus Praeneste una cum Fortuna coli solitos esse Apollinem et Iovem cognomine Arcanum. Apollini dicatam inscriptionem habemus supra n. 2848; de Iove Arcano cf. ad n. 2972.